

bott darauß mache/ daran mā die Christ  
lichen weiber binden wolt/wie im Papst  
thumb geschehen/ denn der Papst den  
Kindbetterin ein Gebott aufferleget/ daß  
sie weder auß dem Kindbett/ noch auß  
der Stuben/ noch auß dem Hause ha  
ben gehen dörrffen/ sie haben sich denn zu  
vor ein Priester mit Gebeten vnd Psal  
men segenen lassen. Auch haben sie nicht  
dörrffen vnter die Leut vnd in die Kirchen  
gehen/ als die da vnrein weren/ sie ha  
ben sich denn zuvor für der Kirchen las  
sen einsegnen/ das ist aber falsch vnd vn  
recht/ denn Lutherus der heylige Mann  
saget in seiner Haußpostil/ daß die vnrei  
nigkeit/ die im Gefäße den Kindbetterin  
zugemessen war/ ist nicht ein natürliche/  
sondern ein auffgelegte vnreinigkeit/ die  
außer dem Gefäße nicht gilt/ sol auch  
derhalben niemand auffgelegt werden/  
vnd ist derwegen diser Papistischer miß  
brauch ganz vnd gar zu verdammen/  
vnd zu verwerffen/ denn der Christen

P v Weiber